



Inatsisartuni ilaasortaq Saxdorph Didriksen
Inatsisartut
/MAANI

Qaleralinniarnermi akuersissutit atorunnaarsimasut pillugit § 37 naapertorlugu Saxdorph Didriksen-imit apeqqummut 2014-058-imit akissut.

21-03-2014
Sullap nr. 2014-097346
All. nr. 1517153

Inatsisartut Suleriaasianni § 37, imm. 1 naapertorlugu Naalakkersuisunut apeqquteqarputit qaleralinniarnermi akuersissutit ikileriansimanagerat pillugu. Apeqqut uannut akisassanngorlugu innersuutigineqarpoq.

Postboks 269
3900 Nuuk
Oqarasuaat (+299) 34 50 00
All: (+299) 34 63 55
E-mail: apnn@nanoq.gl
www.naalakkersuisut.gl

Apeqqutit:

1. Qaleralinniarnermi aalisarnermut inatsisip akuersissutaanera sioqqullugu 6 meterimiit annerusut aalisariutit qassiuppat?
2. Qaleralinniarnermi aalisarnermut inatsisip atuutilereernerata kingorna 6 meterit sinnerlugu angissusillit aalisariutit ullumikkut qassiuppat?
3. Qulakkiikkamik paasinarsippat 6 metriniit anginerusut ikileriaateqarsimappata, taakku ikileriaataasut aalisarunnaarsimasut ullumikkut sunik suliffinnit imaluunniit aningaasarsiorfissanik allanik aqutissarsiuunneqarpat?

Akissutit:

1. pillugu.

Angallatit 6 meterimit anginerusunut 2012 sioqqullugu nalunaarsorneqarsimangillat, kisianni qinnuteqaatit suliarineqareernerata kingorna qaleralinniarnissamut akuersissutaagallartut 170 angallatinut 6 meterimit anginerusunut nassiusorneqarput februarimi 2012.

2. pillugu

Februarimi 2014 angallatit 6 meterimit anginerusut 128 qaleralinniarnermut peqataapput aqutsiveqarfinni pisassaqarfiusuni Upernavik-Uummanaq-Qeqertarsuup Tunuani.

3. pillugu

Angallatit qaleralinniarnermut pisassiissutigineqartumi qaleralinniarnermi februar 2012-p kingorna anisimasut 42-nerat oqaatigineqarsinnaavoq.

Akuersisutaatillit siulliit 10-it juni 2012 sioqqullugu anipput, Sinerissap qanittuani qaleralinniarneq pillugu Namminersorlutik Oqartussat nalunaarutaat nr. 2, 2. februar 2012-meersoq najoqqutaralugu sulisoqarnerani 1. juli 2012 sioqqullugu. Aalisartut pineqartut taakku pisassiissummik killeqartumik pinnaasimagaluarput. Nalunaarfigineqarmatali akuersissagaluarunik umiatsiaararsorluni qaleralinniarnissamut peqataasinnaassanngitsut, taava umiatsiaararsornissamut ingerlaqqinnissamut qinnuteqarput.

Akuersisutaatillit sinneri 32-iusut pisassiissutitit tunisimavaat, taamaalillutillu pisassaqarfiusuni qaleralinniarnissamut aninikuullutik.

Tassa imaappoq siullit 10 naliliinerat malillugu killilimmik pisassiissutigineqanngitsumi umiatsiaararsorlutik ingerlaqqinnissaq imminut akilersinnaanerusutut nalilersimavaat.

Sinneruttut 32 pisassiissutitik niuerutigineqarsinnaasut tunisimavaat.

Naalackersuisoqarfimmi paaserusussimangilarput tunisinerni aningaasat isertut/ akit qanoq ittuusimansut. Kisianni naalackersuisoqarfimmi naluneqanngilaq ikittuunngitsut tunisinerni isertitaqarluarsimasut.

Naliliinerlu taamaattumik imaappoq, aalisartut pineqartut nammineerlutik aaliangiinertik pissutigalugu aningaasaqarnermut iluatsilluarsimassasut, kingusinnerusukkullu taarsiiffigitinnissamik periarfissanik ujartuisoqarnikuunngilaq.

Inussiarnersumik inuulluaqqusillunga



Finn Karlson